


二十冊之十七

刊  
誤



水經注箋刊誤卷五

易水

猶王興之五子也

卷十一第一葉

猶全氏校改即

觸目怡情

卷十一第一葉

怡情黃省曾本作栖情

取暢林木

卷十一第一葉

箋曰木一作水按木字不誤

水源西出廣昌鄉縣之樊石山

卷十一第一葉

鄉字衍文



易水又東逕武陽南

卷十一第二葉

武陽下落城字孫潛校增

易水逕故安城南外東流

卷十一第二葉

下云今水被城東南隅城南之南當移在東字下

事明經證

卷十一第二葉

明經二字當倒互

今水破城東南隅

卷十一第二葉

破當作被

易水逕出范陽縣故城

卷十一第二葉

出字衍文故城下落南字

王莽之通順也

卷十一第二葉

漢書地理志作順陰

出故安縣西北窮獨山

卷十一第二葉

出上落水字

東西北注濡水

卷十一第二葉

北黃省曾本作流東西字亦誤當作東南

昔燕丹納田生之言

卷十一第三葉

箋曰生宋本作光按王楙野客叢書曰先生之語古亦有單稱一字者叔孫通與諸弟子共為朝儀曰叔孫生真聖人也梅福曰叔孫先非不忠也又觀張釋之龔遂

等傳所謂王生結韞公卿數言鄧先皆此意也田光爲  
時所尊貴戰國策鞠武曰燕有田光先生者酈故曰田  
生也朱氏欲改生爲光殆未識斯義耳

俱在罍阜之上 卷十一第三葉

箋曰罍當作岡按罍岡音同通用注例作罍字

上邪而下方 卷十一第三葉

邪孫潛校改衰

左右百步一釣臺 卷十一第三葉

名勝志引此文作有二釣臺今補正

南北如減 卷十一第三葉

如御覽引此文作加黃省曾本亦是加字

卽此臺 卷十一第三葉

御覽引此文作卽斯臺也今補正

北有蘭馬臺 卷十一第三葉

御覽引此文作北有小金臺臺北有蘭馬臺今補正

尙傳鐫刻之名 卷十一第四葉

名字誤全氏曰當作石

又東得白楊水口出遼縣之西山白楊嶺下 卷十一第四葉

箋曰孫云口疑作水按口字不誤出上落水字之字衍

文

西南南流與石泉水會 卷十一 第四葉

南字重文宜衍

石上赤土又高一丈四壁直立上廣四十五步 卷十一 第四葉

文字衍文四當作匹直立當倒互說文匹四丈也小爾雅倍兩謂之匹孫潛云以柳僉鈔本校正

故俗有并溝之稱矣 卷十一 第五葉

矣黃省曾本作焉

許慎曰濡水入深深渠 卷十一 第五葉

箋曰許氏說文云濡水出涿郡故安東入漆涑按此條不誤說見下

南濡北易至涿郡范陽縣會北濡又竝亂流入涑 卷十一 第五葉

箋曰古本作亂流入沫疑此沫字當作涑字說文可據吳本改作入涑按上條本文不誤此條吳瑄本改沫為涑是也說文漆水出右扶風杜陵岐山東入渭一曰入洛不聞別有涑郡之漆也又說文涑澹也从水束聲河東有涑水速侯切又涑小雨零貌从水束聲所責切初不云是水名至廣韻集韻始云水名在北地蓋承誤本

說文東入漆涑之語而爲之辭檢說文涑字云水起北地廣昌東入河从水來聲并州浸漢志代郡廣昌縣下云涑水東南至容城入河過郡三行五百里并州浸方輿紀要云郡三謂代上谷涿也涑水不經上谷三郡代涿勃海紀要亦誤水經巨馬河篇云河出代郡廣昌縣涑山注云卽涑水也又云涑水上承故瀆于迺縣北垂重源再發結爲長潭自成淵渚謂之巨馬河亦曰渠水是篇注云濡水合渠許慎曰濡水入深深渠二號卽巨馬之異名正與彼文相照沛水篇有源源水沁水篇有羈羈水泗水篇有涓涓水獲水篇有淨淨溝是其名例矣故知道元所見之

說文與世本大異古漆字似涑字隸續云地皇候鉦書七作來韓勅碑書漆作涑是其明證若涑字又漆字重文傳寫之譌朱氏不察反致疑于酈注之深深渠吳本改正之涑水眞所謂身入酒國以不狂爲狂者也

東逕容成縣故城北

卷十一第五葉

東逕上落巨馬水又四字全氏校補

壑達洞開

卷十一第六葉

壑當作豁

歷逕荆陘北

卷十一第六葉

逕字誤黃省會本作送寰宇記引九州記曰送荆陘在

易縣西南三十里卽荆軻入秦之路也

俗又謂水爲武遂津 卷十一 第六葉

謂下落是字名勝志校增

孝成十九年趙與燕易 卷十一 第六葉

孝成下落王字趙與燕易下落土字史記校補

東南流出長 卷十一 第七葉

長下落城字孫潛校增

北新城縣東二十里有有樊輿亭 卷十一 第七葉

箋曰克家云有字或作東按何焯云有字衍一

渥水注之 卷十一 第七葉

寰宇記引此文作泥下大泥澱小泥澱竝同泥卽泥之

省與渥相似

水南流注易水 卷十一 第七葉

水上落其字

謂之渥同口 卷十一 第七葉

寰宇記晏元獻公類要引此文皆作泥洞口

水側有渾渥城 卷十一 第七葉

渾渥城當作渾泥城金泰和四年改渾渥城爲渥城縣

與隋人之置毛州之誤正同

易水出北新城城北 卷十一 第七葉

下城字當作西孫潛校改

今者地壁夷平 卷十一第八葉

地當作城即易京城也

即瓚所堡也 卷十一第八葉

堡當作保

闕駟稱太子子丹 卷十一第八葉

黃省曾本作燕太子丹今校正

燕太子稱荆入秦太子與知謀者 卷十一第八葉

箋曰謝兆申云宋本無燕太子稱以下十三字當刪之  
按此亦妄說也燕太子當作燕丹子渭水注引燕丹子

曰秦王為機發之橋蓋襲用其書也風蕭蕭之歌高漸  
離宋如意之事皆出于燕丹子故知耳伯之非荆下落

軻字

宋如意知之 卷十一第八葉

知黃省曾本作和

又東過東州縣南東入于海 卷十一第九葉

箋曰按漢地理志東州亦屬勃海郡古本作泉州誤也  
孫云東州縣在今河間縣境內按黃省曾本作泉州字  
不誤也沽水篇經云又東南至泉州縣與清河合東入  
海注云清淇漳洹滏易涑濡沽滹沱同歸於海則是易



水亦至泉州合清河入海也漢志泉州縣屬漁陽郡今通州武清縣地正直沽入海之處方輿紀要曰樂史云易水有三源流經易州南三十里者曰中易水出州西北三十里窮獨山者謂之濡水亦曰北易水出州西南六十里石獸岡者謂之雹水亦曰南易水中易水流經定興縣西亦謂之白溝河涑水縣之拒馬河流合焉又東逕安肅縣北及容城縣北濡水流合焉所謂北易水也又經新城縣南亦曰拒馬河歷雄縣及順天府霸州之北又東經東安縣及永清縣南入武清縣之三角淀又東南至小直沽與衛河合達于海此易水之東出者也

也其南易水卽雹水也自安肅容城縣南又東南經安州北東至雄縣亦名瓦濟河又東歷河間府任邱縣霸州之保定縣文安縣南引而東合于滹沱河注于海此易水之別出而東南流者也蓋易水之源竝出于易州而其流自不相亂或曰易水或曰故安水則推其本而言之也或曰拒馬河或曰白溝河則從其流而言之也或曰滋河或曰沙河唐河則因其所匯之川言之也或又曰易水本無正流附合支川以達于海故自漢以來言易水源流多未得其詳云宛溪之言可稱明白了當水經未嘗兼敘南易道元從而釋之與經文有如柄鑿

之不相入朱氏改泉州爲東州以爲易水既流經勃海  
文安與東州相近不應又改途北出至漁陽郡之泉州  
也經注不明致有斯蔽妄以疑意改竄舊文有識之士  
深所不取

滄水

又東泉水注之 卷十一第九葉

泉水上落莎字

水中自源南注滄水 卷十一第九葉

上云亭在南原上此當是中原源字不从水中自二字  
當倒互

則名不因靈王 卷十一第十葉

靈王上落武字

車駕沿革 卷十一第十葉

箋曰沿革字未詳按是沿沂之譌

川有一水 卷十一第十葉

淮下匯川三合之文一當作二

雖川三合 卷十一第十葉

雖字誤全氏曰當作匯蓋與嘉牙川水合流也以是知  
上文一水當是二水之譌

起御座於松園建祗洹於東圃東北二面岫郭高深 卷十

箋曰古本云起御座於松園建祗洹東圃北二面岫鄣  
高深謝兆申云宋本無東字疑當作建祗洹園東北二  
面云云按本文無誤字朱氏乃引古本誤文以相證何  
也若如謝說文義豈可通乎

峽右山則有祗洹精廬 卷十一 第十一葉

則當作側

分石飛懸水一匹有餘 卷十一 第十一葉

水字衍文

又東流歷山 卷十一 第十一葉

寰宇記引此文作歷鴻山落鴻字

兼縣上所拯也 卷十一 第十一葉

全氏云上當作土拯當作極

水出中山城之西如北 卷十一 第十一葉

箋曰謝云宋本無如字按如往也言自西往北也

側水銳山 卷十一 第十二葉

寰宇記引此文作側而銳上今校正

故曰中人山也 卷十一 第十二葉

中人山誤當作中山城

名堯始城 卷十一 第十二葉

水經注卷之十三  
路史餘論曰望都城東有堯故城俗呼爲堯姑城姑故音同始字誤也後同

但苦其不東觀矣 卷十一第十二葉

箋曰謝云其不矣三字疑有脫誤按無脫誤也謝說非

水出中山城北郎中阜下 卷十一第十二葉

郎中當作郎山

然於城非西在 卷十一第十二葉

箋曰在疑作北按西在二字當倒互孫說非

世謂之京 卷十一第十三葉

京下落陵字陵亦邱也

南對漢頃王陵 卷十一第十三葉

頃王上落中山二字

是城西平城之地泉湧而出 卷十一第十三葉

於文是城之西北平地泉湧而出孫潛用柳僉鈔本校正

駟所說此則非也 卷十一第十四葉

此全氏校改北

城北去山五里 卷十一第十四葉

山上落堯字

然則俗謂之都香山 卷十一第十四葉

都山以堯母慶都得名香字衍文蓋不學人有聞于都  
梁之爲香而妄加之也

周同姓 卷十一第十五葉

周同姓下當接下十三行周之衰也至十四行築城以  
固之三十字錯簡於此

周之衰也 至 築城以固之 卷十一第十五葉

三十字是錯簡當移在前六行周同姓下此處當移十  
六葉七行昔耿伯昭至九行盧水池二十六字錯簡於  
此

故城北藉水以取名矣 卷十一第十五葉

北當作地

際水有漢王故宮處 卷十一第十五葉

漢下落中山二字初學記引此文校增

爲刹利靈圖 卷十一第十六葉

刹利二字當倒互孫潛校正

今府榭猶傳故制 卷十一第十六葉

故制下當接九行自漠及燕中間昔耿伯昭至盧水池  
二十六字錯簡當移在前十五葉十二行治水南盧奴  
縣之故城下

自漠及燕 卷十一第十六葉

漢全氏校改漢謂漢中山國及後燕也

水出洛光涓 卷十一第十六葉

涓當作溝名勝志引此文校改

受胡泉 卷十一第十七葉

受上落水首二字

又東逕安喜縣南 卷十一第十七葉

逕當作過

沙息壤加以城池板築既興 卷十一第十七葉

箋曰謝云宋本作加以城地按謝改池為地是也云加以城地則誤矣加字屬上讀以城上落重字當作沙息

壤加重以成地板築既興沙息壤加者謂水漂沙去用

成沃壤若連下讀則沙息壤三字如何成文

有舊盧奴之鄉也 卷十一第十七葉

有當作古

趙靈王 卷十一第十九葉

靈王上落武字

俗名之曰濁鹿羅地地不遠 卷十一第十九葉

箋曰羅地地字有脫誤未詳按羅與邏通遮邏也濁鹿

邏如魏書章武王融傳白牛邏之類又趙郡王幹傳云

以駟邏無兵蓋戍守之別名也上地字當作城

方數里 卷十一第十九葉

方下落廣字名勝志引此文校增

至若變童𠂔角 卷十一第十九葉

箋曰古本作變童𠂔及當是𠂔少之譌吳改作𠂔角按

孫潛校改𠂔友不如楊慎引此文作𠂔女為善

博水又東逕自隄亭南 卷十一第十九葉

自名勝志引此文作白

世代又遠 卷十一第二十葉

箋曰謝云宋本又作云疑作久按又字為是

湍水於城北曲而西流 卷十一第二十葉

湍水漢書地理志註作濡水下竝同

又南逕安陽亭東晉書地道記曰蒲陰縣有安陽關 卷十一第二十葉

安陽當作陽安以郡國志校正漢書王子侯表有易安

侯平趙敬肅王子武帝元朔元年封即此陽安也而世

本俱誤作易安非矣

因河仍壩 卷十一第二十葉

河當作阿

水出北平縣西南魚山山石善巨焉水發其下 卷十一第

二十一葉

箋曰魚山以下疑有譌誤按寰宇記引此文云山石若巨魚水發其下今校正

齊與燕會于濡水 卷十一第二十一葉

水左傳作上

濡水出高易縣 卷十一第二十一葉

箋曰易當作陽按易古文陽字如此之類其義甚淺實爲辭費

盛若蟻蛭 卷十一第二十一葉

箋曰謝云宋本作咸若蟻蛭按博雅盛多也言層山之多如蟻封也盛字不誤

亦峻嶮也 卷十一第二十一葉

箋曰謝云峻嶮疑作峻嶮按廣韻嶮音盛山名在剡縣集韻音乘亭名在吳均與上峻字義不合類篇嶮音凍山脊也峻嶮山之最高處也謝說非

皆翼對層巖 卷十一第二十二葉

巖名勝志引此文作巒下云巖障深高故知巒字爲是  
逕五迴之嶮途 卷十一第二十二葉

途名勝志引此文作邃

徐水屈東北逕郎山 卷十一第二十二葉

屈字當移在東北之下



又屈逕其山南岑山岑競舉 卷十一第二十二葉

名勝志引此文衍上岑字初學記引此文作衆崖競舉  
於文是衆岑競舉

山內有郎山碑 卷十一第二十二葉

內當作南郎山下落君字

徐水又逕郎山君子中觸鋒將軍廣南 卷十一第二十二葉

下云是太白君碑郎山君之元子也據此當作郎山君  
中子廣當作廟

潁邱太守 卷十一第二十二葉

晉書地理志云廢東郡立頓邱又云頓邱郡泰始二年  
置潁邱是頓邱之誤

幽冀二州以代子詔書 卷十一第二十二葉

箋日以代子語有譌脫按隸釋載此文是戊子蓋詔書  
以是日下也

南出乘崖 卷十一第二十二葉

箋曰乘當作垂按乘字不誤

傾瀾泄注 卷十一第二十二葉

箋曰克家云泄疑作瀉按泄散也亦作洩會稽五泄卽  
瀑布也此水乘崖注下與泄溪同義無可疑者一字之

工髣髴與山水之靈相默契也

蓋徐州之別名也 卷十一第二十三葉

州黃省曾本作水

又東南與沈水出蒲西 卷十一第二十三葉

於文當作又東南與沈水合水出蒲城西孫潛校增三字

徐水又東左合會曹水 卷十一第二十三葉

會字衍文

曹水又東南逕北新城縣故城南河南又逕北新城故城北此王莽之朔寧縣也 卷十一第二十三葉

河南二字衍文北新城下落縣字此字是北字重文之

誤亦宜衍朔寧漢書地理志作朔平今校正

水又東南逕一故城北 卷十一第二十三葉

水上落徐字

入于博 卷十一第二十三葉

箋曰博古本作河按此是班固原文在中山國北平縣蓋徐入博博入河朱氏乃欲以俗本改漢書耶

他說無依城之名 卷十一第二十四葉

他說當作地說

聖水

水經注卷之二十一  
故燕也

卷十二第一葉

也當作地

屈而流也

卷十二第一葉

而下落南字

俗爲之羊頭溪

卷十二第二葉

爲當作謂

水出縣西北大防南山

卷十二第二葉

南山當倒互孫潛校改

又東逕聚聖南

卷十二第二葉

聚聖二字當倒互

又名之曰非潔之溝也

卷十二第二葉

箋曰潔一作理按潔理音同傳寫之差潔水卽濕水注云涿水自涿鹿縣東注濕水此云非潔之溝蓋未與濕水合也

卽杭水也

卷十二第二葉

箋曰汝澄曰杭水疑作范水涿之爲范陽郡蓋亦取於此按非也漢書地理志涿縣下云桃水首受涑水分東至安次入河又良鄉縣下云洹水南東至陽鄉入桃桃杭字近致譌

出涿縣故城西南

卷十二第二葉

出上落水字

非桃水也 卷十二第二葉

桃水是桃仁之誤詳本卷

故在山谷為涿耶水 卷十二第三葉

山谷當作上谷濕水經云又東過涿鹿縣北酈氏以涿水釋之漢志涿鹿縣屬上谷郡蓋在上谷郡為涿水而經廣陽郡者即是聖水名因地變也

城內東北角有晉康王碑城東有范陽王司寇虓廟碑 卷十二第三葉

晉書列傳范陽康王綏子虓司寇當作司馬黃省曾本

校

匈奴降王賜 卷十二第三葉

箋曰賜古本作勝按史記漢書皆作賜

而南注澤渚水 卷十二第四葉

當作鳴澤渚水字衍文

導泉 卷十二第四葉

泉當作原

世謂寒號非也 卷十二第五葉

謂下落之字寒號下落城字

巨馬水

水經注卷之五  
王莽之廣屏魏封樂進爲侯國矣 卷十二第五葉

矣字當移在廣屏之下名勝志校

謂之石曹水 卷十二第五葉

曹當作槽樂史云孟門山一名石槽河南有山鑿中如石槽此亦其類也

水南發谿 卷十二第六葉

谿上落桑字鮑邱水注云桑谷水注之蓋沿出桑谿故也可證

蓋霍原隱教授處也 卷十二第六葉

下云徐廣云原隱居廣陽山此落居字

爲王浚所召 卷十二第六葉

召全氏校改害

左會壘砢溪水 卷十二第六葉

壘吳瑄本作壘壘砢亦作磊砢上林賦云水玉磊砢玉篇衆小石貌

水出檐石砢 卷十二第六葉

石黃省曾本作車

東南流逕聖人東南城 卷十二第六葉

箋曰謝云宋本作逕聖人城東南按非也下文多一東字南城二字當倒互蓋紫石水出聖人城北又逕城東

水經注卷十  
此檐車水流逕城南南流注于紫石水城之三面皆水之會也

涑水東逕徐城北出焉 卷十二第六葉

出焉上落沙溝二字

卽涑之故瀆矣 卷十二第六葉

之當作水

涓流控引水自成淵渚 卷十二第七葉

箋曰控引下落其字按非也水字衍文

十一許步 卷十二第七葉

十一當倒互名勝志校

東南流逕縣故城東 卷十二第七葉

縣上落迺字

北屈滙于桃水 卷十二第八葉

箋曰滙宋本作注按滙本作匯尙書孔傳曰匯迴也不得改爲注

余而南枝溝 卷十二第八葉

箋曰謝云宋本作而合南枝溝按合字當在南字下

水上承護陂 卷十二第八葉

護當作濩

東南逕臨鄉南漢封廣陽王子須爲侯國 卷十二第八葉

漢書王子侯表臨鄉頃侯雲廣陽頃王子元帝初元五年封臨鄉下落城字廣陽下落頃字須卽頃之譌當改作雲

地理記曰 卷十二第八葉

地理下落風俗二字黃省曾本校增

城南十里 卷十二第八葉

四字衍文

水出安次縣東北平地泉 卷十二第九葉

泉字衍文

東南逕東州縣故城西 卷十二第九葉

此是漢漁陽郡之泉州縣非勃海郡之東州縣也黃省曾本校改

涑水東南至容城入于海河 卷十二第九葉

漢書地理志作入河海字衍文

巨馬水于平舒北 卷十二第九葉

平舒下落城字

灑水

沿坡歷澗 卷十三第一葉

坡孫潛校改波

漢景帝後元三年置 卷十三第一葉

元字衍文

北燕京山之大池

卷十三第一葉

寰宇記代州雁門縣下引水經注云潛通燕京山之天  
池北下落通字大池當作天池

其水陽焊不耗

卷十三第一葉

箋曰克家云焊當作旱按集韻焊火乾也義亦通

忽過大風

卷十三第二葉

箋曰過當作遇按過字不誤

蓋狄語言譌

卷十三第二葉

言當作音下云馬磨聲相近是也

城將成而崩數矣有馬走一地

卷十三第二葉

崩下落者字馬下落馳字劉昭郡國志補註校補

遂名馬邑

卷十三第二葉

遂名下落之為二字劉昭郡國志補註校補

枝之南分

卷十三第二葉

箋曰之當作津按當作水下云桑乾枝水是也

左合武周塞水

卷十三第二葉

箋曰孫云地理志作武州按州周音同通用

津委浪

卷十三第三葉

津上落長字



濕水又東北逕魏亭西 卷十三第三葉

魏亭上落巨字

崞川注之 卷十三第三葉

崞川下落水字

處三山之中 卷十三第三葉

三當作二二山謂元岳及崞山也

北流逕繁時故城東 卷十三第三葉

繁時下落縣字

王莽之善陽也 卷十三第三葉

箋曰孫云一作鄯陽按漢志是善字不从乃作鄯

水即成池 卷十三第四葉

即當作積黃省曾本校

北對涼州池之南池 卷十三第四葉

涼州池全氏校改涼川城

如渾水又東南流逕水固縣 卷十三第四葉

箋曰水固疑是永固之譌考魏書地形志竝無此縣名

按地形志恒州代郡領永固縣

慕容寶自河而還軍 卷十三第四葉

而當作西

死者父兄皆號泣哀慟 卷十三第四葉

哀慟上黃省曾本有六軍二字

故北俗謂之老公城也 卷十三第四葉

故字也字俱衍文

左右山源 卷十三第五葉

源當作原

魏太當七年所成也 卷十三第五葉

箋曰當當作平按黃省曾本作太常魏明元帝年號也

太武帝改元太平真君道元不應遺下一二字單稱太平

朱氏誤矣

其水南又屈逕平城縣故城南 卷十三第五葉

南又二字當倒互

卽朱明閣直侍之官出入所由 卷十三第六葉

所由下吳瑄本有也字

又毀建白樓 卷十三第六葉

全氏云毀字衍文

用周圍挽 卷十三第七葉

箋曰謝云宋本作圍繞按沈名蓀云園挽謂灌園者所

汲挽也二字不誤

柱側悉鏤雲炬 卷十三第七葉

箋曰古本作悉鏤雲炬字誤當作雲烟按玉篇炬火炬

雲炬形容雕鏤之巧光炫奪目也

去子丹碑側遠矣 卷十三第七葉

側當作則

臺高廣 卷十三第八葉

臺下落榭字名勝志校增

闍人宕昌公鉗耳處時 卷十三第八葉

魏書闍官傳王遇字慶時本名惡地馮翊李潤鎮羌也

姓王氏後改氏鉗耳賜爵宕昌公處字誤

九堂 卷十三第八葉

明堂月令白虎通俱作九室堂字誤

施機輪飾縹 卷十三第八葉

飾縹下落碧字名勝志校增

仰象天狀畫北通之宿鳥蓋天也 卷十三第八葉

箋曰此處有譌誤當云畫北辰列宿象蓋天也按非也

全氏云通當作道鳥當作焉

又東北右合黃山 卷十三第九葉

山當作水

南北六十七步 卷十三第九葉

十七二字當倒互

勢熱又同 卷十三第十葉

勢熱二字當倒互

南岸下有風穴

卷十三第十葉

岸名勝志引此文作崖

白頭而羣飛者

卷十三第十葉

白頭當作白頸下同

犍為舍人以為壁屋

卷十三第十葉

箋曰壁屋字誤當作卑居按今李巡註既無可考壁屋

二字以廣異名否則爾雅原文既以鸛斯為卑居孫炎

又以卑居為楚鳥乃復云犍為舍人以為卑居辭重義

複類于屋上架屋也蓋卑之轉音為壁屋義又與居近

壁屋疑即卑居之一名又鸛斯之鸛上从與不从與鸛

音渥爾雅釋鳥鸛山鵲是也今刻誤以鸛為鸛朱氏亦

失箋

馬融亦曰賈鳥者也

卷十三第十葉

箋曰宋本無者字按者字宜有

世法所締

卷十三第十葉

締通鑑注引此文作稀

濕水又東逕北平邑縣故城南

卷十三第十一葉

逕北二字當倒互

城在高柳南八十里

卷十三第十一葉

通鑑注作百八十里落百字

俗為之苦力干城矣 卷十三第十一葉

為當作謂

濕水又東流又東陽水注之 卷十三第十二葉

箋曰宋本無流又東三字按流字宜存又東二字重文宜衍陽水上落安字

水自源東南流注于濕水 卷十三第十二葉

源當作澤上云水出縣東北澤中是也孫潛校改

王莽之競安也 卷十三第十二葉

漢書地理志作竟安

水入東流 卷十三第十二葉

箋曰入宋本作又按水上落濕字

陽武將軍馬成 卷十三第十二葉

陽後漢書馬成傳作揚

出昌平縣故城南 卷十三第十四葉

出上落水字

又東北入祁夷祁夷右會逆水 卷十三第十四葉

兩祁夷下俱落水字

逆水又西注于祁夷之水 卷十三第十四葉

又西下落流字下云逆之為名以西流故也可證

者諺云

卷十三第十四葉

諺當作彥

未有升其嶺者

卷十三第十四葉

嶺當作巔

代城東北九十里有空侯城也

卷十三第十五葉

空侯城下黃省曾本有者字無也字彼此各缺一字可互證也

濕水又東逕潘城縣北

卷十三第十五葉

兩漢志俱作潘縣此當云潘縣故城

下洛城西二十里有雍洛城

卷十三第十五葉

箋曰當作而西按當作西南

濕水又東逕三臺北

卷十三第十六葉

濕水下落又東逕高邑亭北七字黃省曾本校補

濕水又東逕溫泉水注之

卷十三第十六葉

逕字衍文

下有溫泉

卷十三第十六葉

下字上落山字

是使越者若流

卷十三第十六葉

越當作赴

水出塞外子元鎮西

卷十三第十六葉

子當作柔柔元鎮乃魏六鎮之一胡三省通鑑註曰柔  
元鎮城在漢且如縣西北塞外魏太和十八年如柔元  
鎮卽此方輿紀要云孝昌初柔元鎮民杜洛周反于上  
谷圍燕州鎮蓋與上谷接境在今大同府大同縣界  
校其城郭 卷十三第十六葉  
城黃省曾本作程

又東南於大甯郡北右注鴈門水 卷十三第十七葉

箋曰於宋本作流按於字不誤

鴈出其間 卷十三第十七葉

劉昭郡國志補註引山海經曰雁門者雁飛出于其門

間字誤也

敦水東又澁水注之出東阜下 卷十三第十七葉

東又二字當倒互出上落水字

與神泉 卷十三第十八葉

神泉下落水合二字

汲引泉谿澤澤濤東注 卷十三第十八葉

澤當作渾下澤字重文宜衍

東南流逕小甯縣故城南 卷十三第十八葉

東南流下落逕小甯縣故城西東南流注于延水又東  
十七字黃省曾本校增

北方人謂之謫仙 卷十三第十九葉

北當作此與上此人失怖之此誤作北正同

下洛西北百三十里 卷十三第十九葉

下洛下落城字

因名其為磨笄山 卷十三第十九葉

箋曰其下疑脫地字按非也孫潛校改山

王莽之久居也 卷十三第二十葉

箋曰舊本作王莽之所謂文居也按漢志是久字改作

文非

地理志曰于延水東至廣寧入治非矣 卷十三第二十葉

全氏云濕水即治水既云注濕而又以入治為非乎考

漢志是沽字方輿紀要云沽當作治劉氏似指伯莊然

于延水本入治酈故以班志入沽為非與祁夷水之入

治誤正同祁夷水師古改作入濕

畱其民于涿鹿之河 卷十三第二十葉

河當作阿

其水又東北與陂泉合 卷十三第二十葉

箋曰陂一作阪按寰宇記媯州懷戎縣下云羹頡山黃

帝祠有泉湛而不流即古阪泉也又云阪山史記云軒

轅與炎帝戰于阪泉之野即此是也



以統流離 卷十三第二十葉

離當作雜

清夷水又西會牧牛山 卷十三第二十一葉

山下落水字

其水俱西南注于滄水 卷十三第二十一葉

西南下落流字

又西與右陽溝水合 卷十三第二十一葉

與右二字當倒互

西南流逕居庸縣城北 卷十三第二十一葉

縣下落故字

次仲首發於道 卷十三第二十二葉

箋曰古本作首發於邁按道字不誤

靈亭城水注之 卷十三第二十二葉

城字衍文

水導馬蘭城 卷十三第二十二葉

導下落源字

落次仲鳥翮於此 卷十三第二十二葉

落字當移在次仲下孫潛校

又西得泉溝水會 卷十三第二十二葉

會字衍文

謂之落馬河 卷十三第二十三葉

河當作洪

謝承漢書曰 卷十三第二十三葉

隋書經籍志後漢書一百三十卷吳武陵太守謝承撰

落後字

魏氏土地記曰 卷十三第二十三葉

氏字衍文後竝同

更燕國 卷十三第二十四葉

更下落曰字

城有萬載宮光明殿 卷十三第二十四葉

八字當移在次行縣曰代成之下全氏校

至雋光壽元年四十九矣 卷十三第二十四葉

元年下落齒字謂馬齒也名勝志校增

有魏征南將軍建城鄉景侯劉靖碑 卷十三第二十四葉

何焯云征南當作征北靖薨于鎮北將軍假節督河北

諸軍事贈征北將軍

表功加於民 卷十三第二十四葉

表下落靖字楊慎刻水經碑目校增

元嘉四年 卷十三第二十四葉

元嘉當作元康碑見鮑邱水注

側城南東門注

卷十三第二十四葉

東門二字當倒互

昔銚期啓戟處也

卷十三第二十四葉

箋曰謝云啓戟當作檠戟按非也何焯云是奮戟之誤以後漢書本傳校改

泉東注

卷十三第二十五葉

泉下落流字

笥溝水之別名也

卷十三第二十五葉

笥溝下落沽字全氏校增

濕餘水

使者入上谷

卷十四第一葉

使者上落更始二字孫潛校增

側道徧峽

卷十四第一葉

峽方輿紀要作狹

其水導源西北逕千蓼泉

卷十四第二葉

逕字衍文

又東逕平昌縣故城南

卷十四第二葉

按平昌應作昌平漢書地理志上谷郡有昌平縣後魏廢入軍都縣魏書地形志幽州燕郡軍都縣有昌平城孝昌中陷於杜洛周天平中置東燕州領平昌郡復立

昌平縣隸焉道元卒於孝昌二年天平復置郡縣之事  
所不及知也

左右芹城水

卷十四第二葉

箋曰謝云宋本作芹城水注之按非也右當作合注之  
二字耳伯所繆增

又東南流注濕餘水

卷十四第二葉

箋曰又古本作水按又字不誤上云水出北山南逕芹  
城不當改作水字也

沽水

九泉水注之

卷十四第三葉

泉當作源

左右翼注入川

卷十四第三葉

入當作八

岸有二城

卷十四第二葉

岸上落夾字

易爲依居

卷十四第三葉

箋曰宋本作依据疑作依據按古据據通用据字爲近

下抗深隍

卷十四第三葉

抗當作枕

有二源

卷十四第三葉

有上落水字

左與舊鹵水合

卷十四第四葉

舊詳下文當作候下舊鹵城同

山石色特上

卷十四第四葉

箋曰石一作白按山石下落白字朱氏誤以石為白

漁陽又西南入沽水

卷十四第四葉

陽黃省曾本作水

西南與灤餘水合為沽河

卷十四第四葉

此沽字誤當作潞以注文知之

教民植種

卷十四第五葉

箋曰當作種植按植種義自通

出狐奴山南轉逕狐奴城南

卷十四第五葉

出上落水字下南字當作西

笥溝

卷十四第五葉

笥溝上落入字名勝志校增

派河尾也

卷十四第五葉

派字是派字傳刻之譌下同

清湛漳洄滋易涑濡沽虜池

卷十四第五葉

湛當作淇全氏校改

鮑邱水

水北川 卷十四第六葉

水下落導字

亂流逕密雲戍城南 卷十四第六葉

亂流下落西南二字黃省曾本校增

望雖 卷十四第六葉

箋曰雖字疑衍按雖字是離字之誤不宜衍

自決注之 卷十四第六葉

決當作坎與上離字相照離南坎北蓋用代字法耳柳

僉鈔本校正

又東南峽 卷十四第六葉

東南下落出字孫潛校增

水西南流注之 卷十四第七葉

水上落桑谷二字下云是水有桑谷之名可證也

鮑邱水東南逕 卷十四第七葉

逕下落漁陽縣三字

又西南流注之于沽河 卷十四第七葉

之字衍文

黃河之別源時長岸峻固 卷十四第八葉

時名勝志引此文作也

山川暴戾 卷十四第八葉

箋曰宋本作山水按暴戾名勝志引此文作暴發

凡所潤舍四五百里

卷十四第八葉

箋曰舍宋本作合按非也潤舍謂漑潤廬舍與下灌田之文對待

乘北岸七十餘丈

卷十四第八葉

箋曰謝云乘宋本作剩孫云疑作割書曰湯湯洪水方割作剩亦誤按何焯云孫說謬甚據碑文是洪水毀損此過所剩者北岸七十餘丈豈可因洪水字而遂及尙書方割之文乎

修立過

卷十四第八葉

立當作主主過見上又朱氏欲改過作塌按三國志吳書諸葛恪云築東興堤過湖水又云圖壞堤過又云俛身緣過過塌音同通用

又東南流薊縣北

卷十四第九葉

流下落逕字

又東至潞縣注于鮑邱之水

卷十四第九葉

之字衍文

北佩謙澤

卷十四第九葉

箋曰謝云謙澤一作諫澤按通鑑注云夏謙澤在薊北二百里今據是注乃二澤也謝說非

合笥溝斷 卷十四第九葉

合當作今斷上增水字言笥溝水時已斷也

今其居山之陽 卷十四第十葉

箋曰其宋本作在按其乃且字之譌當作今在且居山之陽

而東南流注于渠洵河 卷十四第十葉

當作洵渠河亦見濡水注

故瀆上承宰池水 卷十四第十葉

宰池當作滹池

公將征之 卷十四第十一葉

公字衍文

庾水注之 卷十四第十一葉

庾水當作庚水即漢志右北平郡無終縣之溲水也俊

靡縣下作庚庚溲音同

以一石相磨 卷十四第十一葉

一當作二

世謂之車輦水 卷十四第十一葉

世謂上落東南流三字黃省曾本校增

水出北山溪 卷十四第十一葉

北山下落溫字初學記引此文校增



以其過灼故

卷十四第十一葉

故下落也字初學記引此文校增

山之高嶄絕

卷十四第十二葉

之字衍文

與中郎將孟溢

卷十四第十二葉

與字誤方輿紀要校改作詔後漢書靈帝紀云中平五年九月遣中郎將孟益率騎都尉公孫瓚討漁陽賊張純是也

春秋襄公十四年

卷十四第十三葉

左氏傳無終子事在襄公四年十字羨文

東入庚水

卷十四第十三葉

箋曰一作庚按庚字不誤

寺內有大堂

卷十四第十三葉

有黃省曾本作起

出縣北山

卷十四第十四葉

出上落水字

濡水

左道則連泉水注之出故城東

卷十四第十四葉

道字衍文出上落水字

逕林山北

卷十四第十五葉

林山上落松字方輿紀要松林城在大寧衛西北志云  
漢遼西郡文成縣地本松林南境遼置松江州勝安郡  
治松江縣金廢州元復置尋以松江縣省入上都路又  
曰北邊紀事舊慶州在大寧北六百里西南至開平八  
百餘里地皆大松號曰千里松林亦曰平地松林在臨  
潢西潢水出焉或謂之曲水亦曰回水道元所謂水流  
回曲謂之曲河者也唐置松漠都督兼松林沙漠而取  
名焉郭造卿永平府志曰此乃千里松林也遼史曰蹠  
邨按遼史國語解作蹠村地名即松林故地蹠音帶竊  
疑村字乃林字闕筆之誤郭志改作邨字形象更差  
事如史記匈奴傳之蹠林漢書音義曰匈奴秋社八月

中皆會祭處又正義曰顏師古云蹠者遶林木而祭鮮  
卑之俗自古相傳秋祭無林木者尙豎柳枝衆騎馳遶  
三周乃止此其遺法也又寰宇記引入塞圖云漢大甯  
西北行百里至懷荒鎮又北行七百里至榆關又北行  
二百里至松林又北行千里方至瀚海也

木林山水會之

卷十四第十五葉

木當作松

地理志曰濡水出縣北蠻中

卷十四第十五葉

漢書地理志漁陽郡白檀縣下云洹水出北蠻夷師古  
曰洹音呼鴟反洹水即濡水之缺畫此是六朝已後漢

水經注卷五十五  
書傳寫之誤師古不知而繆音之縣字衍文北蠻下落夷字

濡水又東而南 卷十四第十五葉

而字衍文

而出於龍芻之谿 卷十四第十六葉

而孫潛校改西

東流入藏水 卷十四第十六葉

當作三藏水落三字

又東南流逕列谿 卷十四第十六葉

當作武列谿下云武列水可證

東南歷石挺下左層巒之上 卷十四第十六葉

箋曰謝云挺一作挺按當从木作挺說文挺一支也徐  
錯繫傳曰挺者獨也挺然直立之貌石挺是石之孤生  
獨立者左字誤當作挺在層巒之上

彎弧矢 卷十四第十六葉

彎下落張字名勝志引此文校增

東至清陁 卷十四第十七葉

永平府志方輿紀要俱作青陁紀要云永平府盧龍縣  
有青山口在府北桃林口東第四關口也下云東越青  
陁仍是青字

水經注卷之五  
楊都賦 卷十四第十七葉

楊當作揚

東越青陁 卷十四第十七葉

箋曰克家云青當作清按青陁字不誤

濡水又東南水又合焉 卷十四第十七葉

箋曰水又舊本作水名宋本作洛水合焉按水上落敖

字又當作右永平府志校正箋說非

得去潤水又會敖水 卷十四第十七葉

得上落左字去字衍又當作右永平府志校正

南流注逕孤竹城西 卷十四第十七葉

逕字羨文

水出肥如東北元溪 卷十四第十七葉

肥如下落縣字

俗又謂肥如水 卷十四第十八葉

又謂下落之字

右合盧水 卷十四第十八葉

合黃省曾本作會

陽樂故燕也 卷十四第十八葉

也當作地

又南得溫泉水口注之出東北溫溪 卷十四第十八葉

注字衍文之乃水字之譌名勝志校正

地理志曰令支有孤竹故城孤竹國也卷十四第十八葉

故城二字當倒互地理志遼西郡令支縣下云有孤竹城應劭曰故伯夷國是也

我孤竹君也卷十四第十九葉

太平廣記引博物志作我孤竹君子也落子字

東南逕主鄉北卷十四第十九葉

主永平府志作西

出城東南卷十四第十九葉

出上落水字

濡水又逕牧城南卷十四第十九葉

牧永平府志作故

世謂新河矣卷十四第十九葉

謂下落之字

至王莽之淑武也新河又東爲二水卷十四第十九葉

箋曰至宋本作故俱疑衍按全氏云至字當移在淑武也下

水出新平縣卷十四第十九葉

當作新安平漢書地理志校補下竝同

世謂之馬頭山卷十四第十九葉

山當作水

東流注大水

卷十四第十九葉

當作封大水漢書地理志校補

南流于海

卷十四第二十葉

南流下落入字漢書地理志云皆南入海是也

與緩靈水會

卷十四第二十葉

靈漢書地理志作虛下同

世謂之大籠山

卷十四第二十葉

山當作水

南流于海

卷十四第二十葉

南流下落入字漢書地理志校補

出令支縣之藍山

卷十四第二十葉

出上落水字

新河又東至九過口

卷十四第二十葉

過當作灤

西入九過注海

卷十四第二十葉

箋曰一作燭按非也其字从水作灤不从火作燭魏書

毋邱儉傳正始中儉以高句驪數侵叛督諸軍步騎萬

人出元菟從諸道討之句驪王宮將步騎二萬人進軍

沸流水上大戰梁口宮連破走儉遂束馬懸車以登丸

都注云梁音邊梁字無邊音蓋誤文也冊府元龜作邊  
口云音過梁與邊過與過皆以形似致誤海陽城漢縣  
屬遼西郡今永平府盧龍縣地舊志云西接薊門東達  
渝關渝關今山海關仲恭蓋由此越險以伐高句驪也  
沸流水丸都城在朝鮮京畿道東北遼史地理志涿州  
鴨淥軍節使正州本沸流王故地爲公孫康所併渤海  
置沸流郡有沸流水是也然而其事有可疑者沸流水  
在漢元菟郡而九漿口則在遼西郡仲恭進兵與高麗  
大戰焉有引之反入內地之理史文如是難以意度也  
或于文當云句驪王宮將步騎二萬人大戰漿口進軍

沸流水上宮連破走于事方合九漿下落口字

左迤爲孔陽孤淀名

卷十四第二十葉

箋曰宋本無名字按永平府志引此文作左迤與北陽  
孤淀合今校正

王莽改曰碣石也

卷十四第二十葉

漢書地理志右北平郡驪成縣大碣山在西南莽曰揭  
石師古曰揭音桀

潮水大至

卷十四第二十葉

大至下落則隱二字全氏校增

大遼水

遼水亦言出砭石山

卷十四第二十二葉

砭當作砭淮南子地形訓遼出砭石篇海類篇俱云砭同砭

有小遼水其流注之也

卷十四第二十二葉

其當作共

遼水又右會白狼水

卷十四第二十二葉

又字衍文孫潛校

魏武於馬上使格之

卷十四第二十三葉

於馬上下博物志有逢獅子三字今校補

殺傷其衆

卷十四第二十三葉

其博物志作甚

王乃統率常從健兒

卷十四第二十三葉

箋曰統宋本作自按統字義自得

洛陽雞狗

卷十四第二十三葉

陽博物志作中

白狼水北逕白狼縣城東

卷十四第二十三葉

縣下落故字

白狼水又東

卷十四第二十三葉

箋曰又古本作入按又字不誤

水發川西南山下

卷十四第二十三葉



水經注卷五十四  
六川當作源

蓋委也人從之 卷十四第二十三葉

箋曰蓋委以下六字有譌脫按孫潛校改作蓋倭地人徙之

導西北遠山 卷十四第二十三葉

導上落水字

慕容晃 卷十四第二十四葉

箋曰克家云晃別本作𧈧按史作𧈧韻會云譌作𧈧當據史改正何別本之足云

東流爲二水 卷十四第二十四葉

東流下落分字孫潛校增

逕一故城 卷十四第二十四葉

故城下落西字孫潛校增

蓋燕齊遼迥 卷十四第二十四葉

箋曰迥宋本作遠舊本作迴按增韻迥寥遠也與遠字義無別若作迴尤非

地理志曰渝水自塞南入海 卷十四第二十四葉

漢書地理志遼西郡交黎縣下云渝水首受塞外南入海落外字

十三州志 卷十四第二十五葉

志下落曰字

大遼水自塞 卷十四第二十五葉

塞下落外字

小遼水

西南至遼隧縣入于大遼水也 卷十四第二十五葉

柳僉鈔本此十二字經文另為一條在本注之後

縣故高句麗相之國也 卷十四第二十五葉

漢書地理志元菟郡高句驪縣應劭曰故句驪胡相字

誤也

西南流逕至遼水 卷十四第二十五葉

逕至二字是注字之誤

沮水

自沮水而至朝鮮 卷十四第二十五葉

而當作西孫潛校改

水經注箋刊誤卷五終

水經注箋刊誤卷六

洛水

洛水又東尸水注之

卷十五第一葉

箋曰謝云尸一作尸按八字是注混作經

水北出發尸山

卷十五第一葉

出發二字義複山海經曰尸水出尸山衍發字

洛水又東得乳水

卷十五第一葉

七字是注混作經

水北出良餘山南南注于洛

卷十五第一葉

下南字重文當作流

洛水又東會于龍餘之水 卷十五第一葉

十字是注混作經

東流入洛水又東至陽虛山 卷十五第一葉

入洛下當重一洛字

山海經曰又陽虛之山 卷十五第二葉

曰又二字當倒互

洛水又東門水出焉 卷十五第二葉

八字是注混作經

水南出獲輿山 卷十五第二葉

輿當作輿漢書地理志校正下獲輿川同

洛水又東逕熊耳山北 卷十五第二葉

九字是注混作經

洛水逕陽渠關北 卷十五第二葉

七字是注混作經

陽渠水出南陽渠山 卷十五第二葉

箋曰謝云陽一作隰按非也出南二字當倒互

洛水又東逕盧氏縣故城南 卷十五第三葉

十一字是注混作經

東南流逕盧氏城東而流注于洛水 卷十五第三葉

東而二字當倒互孫潛校正

又東龍翼合三川 卷十五第三葉

龍字衍文孫潛校

陵阜原險 卷十五第三葉

險當作陁

洛水東與高門水合 卷十五第三葉

八字是注混作經

洛水又東松楊溪水注之 卷十五第三葉

十字是注混作經楊當作陽方輿紀要云寧縣西六十

里有松陽關極險阨下松陽山同

又東合黃城溪水 卷十五第四葉

城當作亭禹貢錐指校

有二峰 卷十五第四葉

有上落山字

及其長霄冒顛 卷十五第四葉

箋曰顛一作嶺按顛字義通

方乃就辨優劣耳 卷十五第四葉

箋曰宋本作方可按乃字不誤

洛水又東得荀公漢口 卷十五第四葉

箋曰孫云漢口當作澗口按當作溪口溪與漢近

命參將戴延之 卷十五第四葉

參將當作參軍晉書職官志諸公及開府從公為持節都督增參軍為六人延之時從宋武帝西入長安正居此職作西征記也延之名祚見隋書經籍志

洛水又東庫谷水注之 卷十五第四葉

九字是注混作經

水發北鵝鵠澗 卷十五第四葉

發北二字當倒互

城西隴 卷十五第五葉

城西下落有字

有二源 卷十五第五葉

有上落水字

黍良谷水入焉 卷十五第五葉

良禹貢錐指作良

山出多重固 卷十五第五葉

出字衍文

洛水又東合杜楊澗水 卷十五第六葉

楊禹貢錐指作陽下杜陽溪同

洛水又東渠谷 卷十五第六葉

箋曰謝云渠谷上下疑有關按無關文也六字是注混作經

在上迢遞層峻 卷十五第六葉

在當作左

洛水又東逕宜陽縣故城南 卷十五第七葉

十一字是注混作經

洛水又東與厭梁之水合 卷十五第七葉

厭梁山海經作厭染

水出縣北傳山 卷十五第七葉

箋曰傳一作傳按山海經正作傳山朱氏何不據之改正乎

祿泉注之其水近出北谿 卷十五第七葉

泉下落水字近字與北字當互易下云水東出近川是其詞例也

東南與湖長澗水會 卷十五第八葉

湖字衍文

洛水又東枝瀆左出焉 卷十五第八葉

九字是注混作經

故瀆又東逕周山 卷十五第八葉

故瀆當作枝瀆下同

周山在柏亭西柏 卷十五第九葉

西柏當作西北

又東北逕三王陵東北出焉 卷十五第九葉

東北出焉上全氏校增穀水二字

故瀆東北歷制鄉 卷十五第九葉

故瀆當作枝瀆穀水注云洛水枝流入焉是也

東抗惠水 卷十五第十葉

抗當作枕

五營士屯都亭 卷十五第十葉

五營上落率字後漢書何進傳校補

置函谷關廣城伊闕大谷轅轅挺門平津孟津等八關都

尉官治此 卷十五第十葉

函谷關關字衍文平津上落小字後漢書靈帝紀校正

郡國志曰所謂甘城也 卷十五第十葉

曰字衍文

因西為千里 卷十五第十一葉

因西下落方八百里四字漢書地理志云初雒邑與宗

周通封畿東西長而南北短短長相覆為千里師古曰

宗周鎬京也方八百里八八六十四為方百里者六十

四也雒邑成周也方六百里六六三十六方百里者三

十六二都得百里者方千里也故詩云邦畿千里

遷自序云 卷十五第十一葉



遷上落司馬二字

宸居洛邑

卷十五第十一葉

箋曰宸一本作定按宸居猶言皇居也改作定非

祝良字石卿

卷十五第十一葉

石卿黃省曾本作召卿後漢書順帝紀云祝良為九真太守章懷註曰良字劭卿長沙臨湘人又龐參傳章懷注引謝承書云祝良字召卿長沙人聰明博學有才幹以廉平見稱也

因名司州焉

卷十五第十一葉

因名上落後世二字全氏校增

招延與道士浮邱同遊伊洛之浦

卷十五第十二葉

與字當移在道士之下

西北流于劉聚

卷十五第十二葉

流下落注字

又東偃師故縣南

卷十五第十二葉

又東下落逕字

重源又發側緱氏原

卷十五第十三葉

側字當移在緱氏原下

控鶴斯阜

卷十五第十三葉

鶴孫潛校改鶴

有司空密陵光侯鄭廟碑 卷十五第十三葉

鄭下落表字光當作元晉書校

洛水又北陽渠水注之 卷十五第十三葉

九字是注混作經

水南謂之南鄒中水之南鄒 卷十五第十三葉

中水之南鄒五字重文宜衍

世謂之溫水泉 卷十五第十三葉

水泉二字當倒互

水側有重人穴 卷十五第十三葉

箋曰重一作童按當作僵渭水注有僵人穴亦其類也

且道元引西征記而又自爲之說朱氏豈不審耶

洛水又東 至 羅水注之 卷十五第十四葉

十四字是注混作經

出方山羅川 卷十五第十四葉

出上落水字

出南浦陂 卷十五第十四葉

浦當作蒲上云蒲池水可證

謂之長川羅 卷十五第十四葉

川羅二字當互易河南郡志云長羅川在鞏縣西南

白相澗水注之 卷十五第十四葉

水經注卷之六  
白相孫潛校改白桐下同

又北九山東谿水入焉 卷十五第十四葉

東字衍文孫潛校

昔密有卜城者 卷十五第十四葉

城孫潛校改成

又西北逕潘岳子父墓前 卷十五第十五葉

子父二字當倒互

明樂泉注之 卷十五第十六葉

泉下落水字

三泉竝導 卷十五第十六葉

三當作五下云世謂之五道泉可證也

又東北洞水發南谿石泉世亦名之爲石泉也 卷十五第十六葉

洞水當作洞水下石泉下落水字

世又名之曰鹽谷水 卷十五第十六葉

鹽谷當作盤谷

亦以爲鞏東邑名也 卷十五第十六葉

亦以上落服虔二字黃省曾本校補

洛水又東北流入于河 卷十五第十六葉

九字是注混作經

赤文篆字堯帝又循壇河洛

卷十五第十七葉

篆起周宣蓋是綠字之誤循當作脩路史校改

什政之度

卷十五第十七葉

什當作七

以授之

卷十五第十七葉

之下落堯字

舜又習堯祀

卷十五第十七葉

祀當作禮下云習禮堯壇

伊水

伊水出南陽縣西蔓渠山

卷十五第十八葉

當作南陽魯陽縣元和郡縣志引此文作南陽魯縣蓋亦脫陽字漢志南陽郡魯陽縣下云古魯縣續志云魯陽有魯山劉昭補註引前志曰古魯縣以相證春秋分記曰在夏為魯縣劉累遷于魯漢為魯陽是也說者謂地理志伊水出宏農盧氏熊耳山與水經何以有異不知南陽有三熊耳盧氏之外宜陽陝俱有之作水經者恐其混而無別乃據山經云蔓渠之山伊水出焉以立文又恐蔓渠之名不顯人或疑之故云南陽魯陽縣西也盧氏熊耳山在魯陽縣之西縣西北九十里有歇馬嶺道出盧氏惟舉此為名始無游移矣不然淮南子以

水經注卷之三十一  
為伊水出上魏山而括地志又有出巒山一名悶頓嶺  
元和志則有出鸞掌山之別此水經之所以精覈而取  
校古書之所以可貴也世本水經注乃云出南陽縣西  
試思兩漢南陽郡治宛隋人始廢南陽郡改宛縣曰南  
陽縣至今因之在漢魏六朝無有是名也以胡東樵吳  
任臣之好辨悉心研究禹貢錐指山海經補註皆不能  
指其缺失信乎讀書之難也

水自熊耳東北

卷十五第十八葉

水上落伊字

京相璠之著春秋地名亦云

卷十五第十九葉

之字衍文春秋下落土字

水出新城縣之狼臯山之西南阜下

卷十五第十九葉

下之字衍文

東流狐山南

卷十五第十九葉

箋曰宋本作孤山按東流下落逕字

卽陸渾山者也

卷十五第十九葉

山字衍文者當作都全氏校

縣西號略池

卷十五第二十葉

箋曰號當作號按池當作地

春秋所謂東盡于號略者也

卷十五第二十葉

于字衍文何焯校

澗出侯谿 卷十五第二十葉

澗當作水出下黃省會本有西北二字

魯僖公二十二年春晉遷陸渾之戎于伊川 卷十五第二十一葉

春當作秦左氏傳校

祖澗東逝 卷十五第二十葉

祖當作阻

渚水上承陸渾縣東禪渚 卷十五第二十葉

禪渚之渚當作陂

郭景純注云一禪音暖 卷十五第二十葉

箋曰郭景純云墀音填按今道元引郭注云禪一音暖

足正世本之誤一禪二字當倒互

而長有賢德 卷十五第二十一葉

而長二字當倒互

北汶 卷十五第二十一葉

箋曰孫云汶字疑誤按孫潛云當作北注

北水出廣城西南西南逕楊志塢北 卷十五第二十一葉

城當作成廣成下落澤字西南二字重文宜衍

西流陸渾 卷十五第二十一葉

水經注卷之二十一  
西流下落逕字陸渾下落縣南二字孫潛校增

河南十二縣簿曰卷十五第二十一葉

縣下落境字後同

屈而東逕楊塢南卷十五第二十一葉

當作楊志塢落志字

伊水又逕西北當階城西卷十五第二十二葉

逕字當移在西北之下

狂水出焉西南流卷十五第二十二葉

西南流下落注于伊水四字山海經校補

又南逕綸氏故城東卷十五第二十二葉

綸氏下落縣字

南流逕綸氏城西卷十五第二十二葉

綸氏下落縣故二字

水有二源卷十五第二十二葉

二當作三下云故世有三交之名也可證

竝出山南流合舍卷十五第二十二葉

箋曰宋本作竝出山南合流衍一舍字按非也於文竝

出山句南流合舍句宋本之妄不待言

蓋記水之漲滅也卷十五第二十四葉

滅當作減

水經注卷之二十四  
石壁又有石銘云

卷十五第二十四葉

石壁之石當作右

欲食之

卷十五第二十五葉

食戰國策作貧

今伊水

卷十五第二十五葉

箋曰今當作合按今字不誤伊當作無

漢書郊祀志曰

卷十五第二十五葉

漢書上落後字

廣志曰

卷十五第二十五葉

箋曰謝云廣志以上疑有脫落按無關文也蓋其書體

例如此不得以人魚事與上文義不屬疑之

聲如小兒

卷十五第二十五葉

小兒下爾雅釋魚註有唬字史記正義同今補正

形如鱧

卷十五第二十五葉

鱧謂鮫鱧也本草陶隱居云鮫鱧形似鼈而短小又似鯉魚有四足山海經曰蔓渠之山伊水出焉有獸焉其名曰馬腹其狀如人面虎身其音如嬰兒是食人此與沔水注中廬疎水之水虎頗相類道元又以人魚釋之詳見下

司馬遷謂之人魚

卷十五第二十五葉



箋曰山海經厭染之水出傅山之陽南流注于洛其中  
多人魚不云伊水豈古今相沿并厭染之水名伊水乎  
按厭染之水見洛水注朱氏只知人魚字出厭染之水  
而不悟伊水亦有馬腹之文也

灑水

其水歷澤東南南

卷十五第二十六葉

下南字黃省曾本作流

古舊亭之處也

卷十五第二十六葉

舊亭當作瞽亭郡國志穀城灑水出劉昭補註引博物  
記日出潛亭山漢志作瞽亭師古曰瞽音潛從水後人

所加耳

澗水

山海經曰北流注于穀

卷十五第二十六葉

九字衍文

卽周書所謂我卜澗水東言水者是也

卷十五第二十七葉

葉

箋曰御覽引此無言水二字按于文當作言是水者也

孫潛校正

東南流注于離山澗水也

卷十五第二十七葉

離山二字衍文

水經注卷之六十一  
舊與穀水亂流流同南入于洛 卷十五第二十七葉

箋曰一作同流按全氏曰流字重文宜衍

今河南使水 卷十五第二十七葉

使當作死即死穀也見穀水篇

穀水

漢景帝三年初徙萬戶為 卷十六第一葉

漢書地理志黽池縣下云景帝中二年初城徙萬家為

縣初下落城字為下落縣字

穀水處也 卷十六第一葉

穀水下落出字孫潛校增

者嘑曰 卷十六第一葉

嘑當作彥

穀水又東逕土嶠北 卷十六第一葉

箋曰孫云土字疑誤蓋有東西二嶠此或作西嶠也按  
非也玉海云呂氏春秋九塞嶠其一也左傳晉敗秦師  
于穀公羊傳云穀之嶽巖穀梁傳云穀巖峯之下春秋  
正義曰俗呼為土穀石穀其阨道在兩穀之間土字不  
誤

所謂二嶠也 卷十六第一葉

二當作三胡渭云河水篇云河之右則嶠水注之水出

水經注卷之六  
河南盤嶠山東北流與石嶠水合水出石嶠山山有二陵南陵北陵也又云河水又東千嶠之水注之水南導于千嶠之山卽所謂三嶠山也史記正義亦曰穀三穀山也在洛州永寧縣西北二十八里北史崔宏傳云三嶠地險人多寇劫指謂此也

東西流注于穀

卷十六第二葉

西當作南

又東逕于雍谷溪

卷十六第二葉

于字衍文

晉水歷側

卷十六第二葉

晉當作嶠

穀水又逕白超壘南

卷十六第二葉

箋曰白超字誤俱當作白起按非也元和郡縣志云白超故城一名白超壘一名白超塢漢末黃巾賊起白超築此以自固周書魏元傳除白超防主又隋韓擒虎嘗爲白超防主見其碑文蓋南北阻兵常爲戍鎮據此則非秦之白起明矣

故治宮所在

卷十六第二葉

治宮當作冶官下水冶之治亦誤作治

山海經曰其中多碧

卷十六第三葉

山海經曰四字重文宜衍碧下落綠字今校補

自下通謂之澗水為穀水之兼稱焉 卷十六第三葉

謂之之字羨文

源出北縣 卷十六第四葉

北縣二字當倒互

波水出于其陰 卷十六第四葉

箋曰山海經作陂水按爾雅釋水云水自洛出為波今

本山海經陂字乃傳刻之誤

山海經曰 卷十六第四葉

四字重文宜衍

出擅山 卷十六第四葉

擅當作檀檀山見洛水注

又東逕 卷十六第五葉

洛水注云枝瀆東北歷制鄉逕河南縣王城西又北入

于穀又東逕下落河南王城西五字

河南城西北 卷十六第五葉

河南下落王字

十年定鼎 卷十六第五葉

十當作卜

大水并瀑 卷十六第七葉

名勝志引此文作迸瀑

後張方入洛破千金場公私賴之

卷十六第七葉

全氏云張方破場何以反云公私賴之據晉書李矩傳補京師水碓皆涸永嘉初汝陰太守李矩汝南太守袁孚修之以利漕運二十七字

北引渠

卷十六第八葉

北上落穀水二字全氏校補

晉惠帝造石渠于水上

卷十六第八葉

渠當作梁

到三年三月十五日畢記

卷十六第八葉

記當作訖下并紀之紀是記字

又潘岳西征賦曰

卷十六第八葉

又字羨文

謂之金水

卷十六第八葉

當作金谷水落谷字

北有遯門

卷十六第九葉

遯門當作邏門

函北連廡蔭墉北廣榭

卷十六第九葉

函北當作西北連廡下落函字孫潛校正

高視常以避暑

卷十六第九葉

箋曰高視字誤當作高歡按非也何焯云道元卒于孝昌二年不及神武時全氏曰當作高祖卽後魏孝文帝也

故向地也 卷十六第九葉

地當作城

永嘉亂 卷十六第九葉

永嘉下落之字

號曰洛陽壘 卷十六第九葉

日字衍文名勝志校

江無復髣髴矣 卷十六第十葉

箋曰謝云詳上文當作九江或作溪谷按何焯云江可該九不煩增改

歷疏圃南 卷十六第十葉

疏亦作蔬二字通用

以錨石爲口 卷十六第十葉

錨當作緇濕水注云是洛陽八風谷之緇石也蓋黑石也

又瑤華宮南 卷十六第十葉

又下落逕字

入爲神居矣 卷十六第十葉

入當作實

池中有魏文帝九花叢

卷十六第十一葉

箋曰九花叢當作九華殿洛陽宮殿簿有明光殿式乾殿九華殿蔬圃殿而魏志曰青龍三年還洛陽復崇華殿改名九龍殿按非也程大昌演繁露云水逕洛陽天池池中有魏文帝九華樓樓字亦誤據魏書黃初七年三月築九華臺今校正

池南置魏文帝茅茨堂

卷十六第十一葉

置當作直

而楨掘坐磨石不動

卷十六第十一葉

箋曰一作匡坐按掘坐掘衣而坐作徒磨石故其坐若

此若匡坐則正坐也何以磨石

此非劉楨也

卷十六第十一葉

箋曰也當作邪按闔若璩云唐韻正古也與邪通用晉書魏舒傳有主人婦夜產俄聞有車馬之音相問曰男也女也今注中多以邪爲也

陸機洛記

卷十六第十二葉

箋曰脫一陽字按記下又脫一曰字黃省曾本校

今太倉西南地

卷十六第十二葉

地當作池

杜預因其一證必是狄泉 卷十六第十二葉

必是上落謂字狄泉當依傳文作翟泉

不更層墉 卷十六第十三葉

層當作增

北對芒阜 卷十六第十三葉

箋曰當作邛阜即北邛也按北邛之邛亦作芒晉太安二年成都王穎自鄴舉兵內向帝軍于芒山以拒之是

也下芒壘北芒竝如字

連嶺修垣 卷十六第十三葉

垣當作互黃省曾本校

屋南逕建春門 卷十六第十三葉

箋曰謝云宋本作屈而逕建春門按南字不誤蓋穀水東出折而南流也

橋之石柱銘云 卷十六第十三葉

石當作右

監椽 卷十六第十四葉

椽當作掾

左北平 卷十六第十四葉

左當作右

敗此而返 卷十六第十四葉



此當作北

嵇叔夜爲司馬昭所害處也

卷十六第十四葉

嵇叔夜上名勝志引此文有亦字

後張純堰洛而通漕洛中公私懷贍

卷十六第十四葉

而御覽引此文作以懷全氏校改穰

故河南十二縣簿云

卷十六第十五葉

故字衍文縣下落境字

右宮門也

卷十六第十五葉

右當作古

嘗無毀壞

卷十六第十五葉

嘗全氏校改曾

猶象而魏之上加復思以易觀矣

卷十六第十七葉

箋曰孫云此當作猶象魏之上而加復思以易觀矣按

困學紀聞云楊植許由廟碣云堯而許之日而月之獨

孤及仙掌銘云日而月之星而辰之同一句法楊慎曰

唐文粹日而月之星而辰之本莊子尸而祝之社而稷

之語然日月星辰語若出今人其不見笑也幾希是注

象而魏之句本古法非誤文

渠水又枝分夾路南逕出太尉司徒兩坊間

卷十六第十

七葉

水經注卷之六十一  
逕出二字當倒互

西國有爵離浮圖

卷十六第十八葉

箋曰爵一作鬱按非也爵離寺見河水注引釋氏西域記

惟祧廟別無

卷十六第十八葉

別當作則

元王東渡魏社代昌矣

卷十六第十八葉

箋曰王一作皇魏一作晉按非也道元生于拓跋朝是時魏都洛陽記此正以表晉衰魏興之兆安得云晉社代昌乎元王字亦不作皇例以稱劉裕爲劉武王知之

耳

逕太倉南東出陽門

卷十六第十九葉

方輿紀要雒陽城正東曰東中門魏晉以後曰東陽門東出二字當倒互

穀水逕閭闔而南土山東

卷十六第十九葉

逕當作自閭闔下落門字而南下落逕字黃省曾本校正

以故門卯出

卷十六第十九葉

卯當作卯

是漢明帝夢見大人

卷十六第十九葉

是孫潛校改昔

華嶠漢書曰

卷十六第二十葉

隋書經籍志後漢書十七卷本九十七卷今殘缺晉少府卿華嶠撰漢書上校增後字

穀水又南逕西門門

卷十六第二十一葉

方輿紀要其南一門曰廣陽門亦曰西陽門後魏主宏改曰西明門上門字誤當作明

故津陽門也

卷十六第二十一葉

方輿紀要又西曰津門以洛水從此而入城魏晉以後曰津陽門

漂落害者衆

卷十六第二十一葉

落字衍文何焯校

津陽城門校

卷十六第二十一葉

校下落尉字何焯校補

諫議大夫陳宜

卷十六第二十一葉

陳宜當作陳宣寰宇記引後漢書曰建武十年洛水泛漲諫議大夫陳宣云云是也

北對南陽南宮

卷十六第二十一葉

括地志洛陽故城內有南宮北宮南陽字誤當作洛陽故孝廉功曹

卷十六第二十二葉

加經注箋千訓  
故上落皆倫二字全氏校補

漢官曰

卷十六第二十二葉

箋曰漢官下宋本有一儀字按何焯云不當有儀字陳振孫書錄解題曰漢官儀一卷後漢軍謀校尉汝南應劭仲遠撰按唐志有漢官五卷漢官儀十卷今惟存此一卷載三公官名及名姓州里而已其全書亡矣道元及見舊籍故宜無舛而猥云宋本此所以不免爲闕百詩馮定遠所誚也

遂堅傳之刻記年月日以名焉

卷十六第二十二葉

箋曰堅當作豎按何焯云堅字不誤傳當作縛刻記上

落因字以後漢書註文選註參校

殷人之左學

卷十六第二十三葉

左學下落右學二字以禮記王制校補

嘉平四年

卷十六第二十三葉

嘉平當作熹平

光祿大夫彈

卷十六第二十三葉

箋曰漢書光祿大夫馬日磾按後漢書蔡邕傳云光祿大夫楊賜諫議大夫馬日磾朱氏所引何疎謬也

蕪會劇者

卷十六第二十三葉

箋曰宋本作劇務按黃省曾本蕪作無言于劇務則無

會也

高堂谿等

卷十六第二十四葉

後漢書作堂谿典此文誤也

陽嘉八年

卷十六第二十四葉

閻若璩云陽嘉止四年八是元字之誤蓋作畢即立碑也下九年亦當是元年

存半毀幾

卷十六第二十四葉

箋曰當作存毀幾半按存半毀幾言所存者如此而毀者凡幾也朱氏以意妄改所未安矣

逕清陽門東

卷十六第二十四葉

清當作青

為治軍所處

卷十六第二十五葉

治當作洛處當作乘名勝志引此文校正

隱淪妄死

卷十六第二十五葉

箋曰宋本作忘死按非也妄死謂詐死耳字不誤

奇制作

卷十六第二十六葉

箋曰奇制作未詳玉海引此註無此三字按奇制作謂橋之制作甚奇即上制作甚佳之意豈可以玉海所引無之而遂疑之

陽渠水又東流逕漢廣野君酈食其廟南

卷十六第二十

箋曰逕當作經按前後注文俱作逕此等實為辭費

陽渠又東逕亳殷南 卷十六第二十六葉

陽渠下落水字

晉太康地理記竝言田橫死於是亭 卷十六第二十六葉

晉太康下落記字地理記當作地道記兼引二書故曰

竝言也

將曉去稅駕 卷十六第二十七葉

稅駕下黃省曾本有逆旅二字

上有山陽王家墓 卷十六第二十七葉

上孫潛校改正

甘水

故世人目其所為甘棠焉 卷十六第二十七葉

甘棠黃省曾本作甘掌如華掌鸞掌之類元和郡縣志

河南府壽安縣下本漢宜陽縣地後魏分新安置甘掌

縣是也

夢汁而平 卷十六第二十七葉

箋曰孫云夢汁疑作廣闊按全氏云先司空本是夷汙

二字

今河南河南縣有甘水 卷十六第二十八葉

河南縣下落西南二字郡國志河南尹河南縣有甘城  
劉昭補註曰杜預曰縣西南有甘泉卽此水也

漆水

又東逕漆沮入于洛

卷十六第二十八葉

箋曰克家云東逕史記作東過按尙書本作東過不獨  
史記也且道元注例用逕字以別于經文之過入於洛  
當从經文作入于河蓋渭水至華陰入河而洛水則至  
華陰入渭今云渭入洛其舛甚矣朱氏顧遺其大而摘  
其細何也黃省曾本原作河

踰梁上

卷十六第二十八葉

上當作山

自土漆沮

卷十六第二十八葉

依經文當作沮漆

岐川在杜陵埤

卷十六第二十八葉

箋曰孫云杜陵當在杜陽埤宋本作北按岐川字亦誤  
當作岐山見渭水注

謂之柴渠

卷十六第二十九葉

箋曰當作漆按古字通用不必改也

漆水出漆縣西北岐山東入渭

卷十六第二十九葉

西北下落至字詩地理攷引此文校增

今說互出 卷十六第二十九葉

箋曰舊本作牙按黃省曾本作牙古文互字若作牙音其義乖矣

澹水 瀘水

縣以漢景帝二年置 卷十六第二十九葉

箋曰宋本以字下有溪名二字按于文不當有此二字

漢書地理志左馮翊祜祜縣景帝二年置

水出東北而西南逕銅官川 卷十六第二十九葉

出下落縣字而字衍文孫潛校正

西瓠口 卷十六第三十葉

西下落邸字史記河渠書校補

渠竝北山 卷十六第三十葉

渠上史記河渠書漢書溝洫志皆有為字

漑澤鹵 卷十六第三十葉

澤鹵下落之地二字史記河渠書校補

河渠書曰鑿涇水自中山而 卷十六第三十葉

而當作西史記云鑿涇水自中山西邸瓠口為渠道元

蓋割裂引之

南紀治谷水 卷十六第三十葉

箋曰紀當作絕按治當作冶方輿紀要云冶谷在涇陽



水經注卷六終  
縣西北五十餘里亦謂之谷口雲陽宮記曰冶谷去雲陽八十里山出鐵有冶鑄之利故因名有水曰冶谷水分渠十二是也

渭此水也

卷十六第三十一葉

箋曰一作此渭按非也渭當作謂

俗謂是水爲渠水也

卷十六第三十一葉

渠水當作柒水

其水又東北流注于洛水矣

卷十六第三十二葉

矣黃省曾本作也

水經注箋刊誤卷六終

